



Na osnovu člana 3. Odluke o uspostavljanju Glavnog centra za brojanje i imenovanju direktora i zamjenika direktora Glavnog centra za brojanje, broj: 05-1-07-11-1291-1/22 od 28.07.2022. godine, i člana 10. Pravilnika o načinu i trajanju angažiranja dodatnog osoblja za pripremu i provođenje Općih izbora 2022. Godine, broj: 07-2-02-3-675-2/22 od 11.05.2022. godine, direktor Glavnog centra za brojanje raspisuje

**JAVNI POZIV**  
**za podnošenje prijava za angažiranje osoblja za rad u Glavnom centru za brojanje**

U Glavnom centru za brojanje će se obavljati sljedeće poslova:

R/B	Naziv pozicije	Broj izvršitelja
1	Saradnik za pravne poslove	3
2	Šef smjene	4
3	Nadzornik radne grupe u odjelu	33
4	Vođa tima	42
5	Referent za unos podataka i verifikaciju	90
6	Referent za brojanje glasova i prateće aktivnosti	258
7	Referent za administrativno-tehničke poslove	3
8	Asistent za informiranje posmatrača	8
9	Sistem-administrator	1
10	Referent za IKT podršku	3
11	Administrativni asistent-vozač	3
12	Unutrašnje osiguranje, recepcija	12
13	Održavanje higijene	6
<b>Ukupno</b>		<b>466</b>

U Glavnom centru za brojanje angažirat će se do 474 izvršioaca. Od 02.10.2022. godine (dan izbora) do potvrđivanja izbornih rezultata za organe na svakom pojedinom nivou vlasti, rad u Glavnom centru za brojanje bit će organiziran u tri radne smjene: (6,30 do 14,30 sati; 14,30 do 22,30 sati i 22,30 do 6,30 sati).

**Opći uvjeti:**

- da je državljanin Bosne i Hercegovine,
- da ima navršenih 18 godina,
- da je psihofizički sposoban za obavljanje ovih poslova,
- da protiv kandidata nije pokrenut krivični postupak za krivično djelo za koje je predviđena kazna zatvora ili da mu nije izrečena zatvorska kazna za krivično djelo učinjeno sa umišljajem u skladu sa krivičnim zakonima u Bosni i Hercegovini.

**Posebni uvjeti:**

Pored općih uvjeta kandidat mora ispunjavati i posebne uvjete:

**Kandidati za grupu poslova pod tačkom 1:**

*VII stepen stručne spreme, završen pravni fakultet, odnosno pravni fakultet Bolonjskog sistema studiranja sa najmanje 180 ECTS bodova, poznavanje izbornog procesa, poznavanje rada na računaru, prednost – prethodno radno iskustvo na provođenju izbora.*

**Kandidati za grupu poslova pod tačkom 2, 3 i 4:**

*završena srednja škola, IV stepen stručne spreme, poznavanje izbornog procesa, poznavanje rada na računaru, prednost - prethodno radno iskustvo na provođenju izbora.*

**Kandidati za grupu poslova pod tačkom 5:**

*završena srednja škola, IV stepen stručne spreme, poznavanje rada na računaru, prednost – prethodno radno iskustvo na administrativno-tehničkim ili sličnim poslovima unosa podataka.*

**Kandidati za grupu poslova pod tačkom 6:**

*završena srednja škola, IV stepen stručne spreme, poznavanje rada na računaru, prednost – prethodno radno iskustvo na provođenju izbora.*

**Kandidati za grupu poslova pod tačkom 7:**

*završena srednja škola, IV stepen stručne spreme, poznavanje rada na računaru, prednost – prethodno radno iskustvo na administrativno-tehničkim poslovima*

**Kandidati za grupu poslova pod tačkom 8:**

*završena srednja škola, IV stepen stručne spreme, poznavanje izbornog procesa, poznavanje rada na računaru, poznavanje aktivnosti posmatrača u Glavnom centru za brojanje ili biračkom mjestu; prednost – prethodno radno iskustvo na provođenju izbora.*

**Kandidati za grupu poslova pod tačkom 9 i 10:**

*VII, V ili IV stepen stručne spreme – VSS, VŠS ili SSS sa poznavanjem poslova administriranja i održavanja operativnih sistema i mrežne infrastrukture, poznavanje hardvera i rada na računaru.*

**Kandidati za grupu poslova pod tačkom 11:**

*završena srednja škola, IV stepen stručne spreme, položen vozački ispit, vozačko iskustvo u trajanju najmanje od 5. godina – prednost – prethodno radno iskustvo na istim poslovima*

**Kandidati za grupu poslova pod tačkom 12:**

*Unutrašnje osiguranje i recepcija: završena srednja škola, IV stepen stručne spreme, iskustvo na sličnim poslovima osiguranja objekata i poslovima sigurnosti, te poznavanje rada na recepciji. Prednost imaju osobe sa položenim ispitom za zaštitara ili iskustvom na istim poslovima.*

**Kandidati za grupu poslova pod tačkom 13:**

*Održavanje higijene: završena osnovna škola,*

*Poslovi održavanja higijene: prednost – prethodno radno iskustvo na istim ili sličnim poslovima.*

**Način prijavljivanja**

Uz popunjen prijavni obrazac (aplikacija) za rad u Glavnom centru za brojanje potrebno je priložiti sljedeće dokumente (ovjerene kopije dokumenata):

- kopiju važećeg dokumenta sa fotografijom,
- dokaz o završenoj školi (dostaviti dokaz o stručnoj spremi traženoj za poziciju za koju se prijavljujete),
- dokaz o radnom iskustvu na istim ili sličnim poslovima.

Ukoliko se kandidati prijavljuju na više pozicija, prijava mora zadržavati sve potrebne dokaze za navedene pozicije.

**Napomena:** U postupku izbora od kandidata se može zahtijevati i dodatna dokumentacija (ljekarsko uvjerenje o zdravstvenoj sposobnosti, uvjerenje o nekažnjavanju), dok svi kandidati koji budu izabrani

*moraju dostaviti uvjerenje o nevođenju krivičnog postupka, ne starije od tri mjeseca.*

Prijavni obrazac (aplikacija) za rad u Glavnom centru za brojanje bit će dostupan na recepciji Sekretarijata Centralne izborne komisije Bosne i Hercegovine, Danijela Ozme broj 7 u Sarajevu, kao i putem interneta, na web-adresi Centralne izborne komisije Bosne i Hercegovine: [www.izbori.ba](http://www.izbori.ba)

**Kandidati koji se prijavljuju na Javni poziv ne smiju biti kandidati ovjerenih političkih subjekata na kandidatskim listama za Opće izbore u BiH u 2022. godini, posmatrači političkih subjekata, kao ni članovi biračkih odbora!!!**

**Posebnu prednost za sve kandidate predstavlja radno iskustvo na istim ili sličnim poslovima tokom prethodnih izbora koji su održani u Bosni i Hercegovini.**

**Kandidati koji se prijave za rad mogu biti pozvani na razgovor ili testiranje.**

**Kandidati koji uđu u uži izbor za angažiranje, bit će obaviješteni putem telefona o datumu i vremenu dolaska na razgovor ili na testiranje, a kandidati koji ne uđu u uži izbor za angažovanje mogu, uz pisani zahtjev, preuzeti predatu dokumentaciju na protokolu Sekretarijata Centralne izborne komisije Bosne i Hercegovine, ul. Danijela Ozme br.7, Sarajevo.**

**Sa kandidatima koji budu angažirani zaključit će se ugovor o djelu na period do dva mjeseca, odnosno do okončanja rada Glavnog centra za brojanje.**

**Nepotpune i neblagovremene prijave neće se razmatrati.**

**Prijave treba dostaviti najkasnije do 16.09.2022. godine (petak), na protokol Centralne izborne komisije Bosne i Hercegovine, ul. Danijela Ozme br.7, Sarajevo, do 16,00 sati.**

**Glavni centar za brojanje**